

**PEKELILING PENTADBIRAN
JABATAN TIMBALAN NAIB CANSELOR (HAL EHWAL PELAJAR) -
PERINTAH KAWALAN PERGERAKAN PEMULIHAN (PKPP)**

Merujuk kepada Pengumuman Khas oleh YAB Perdana Menteri Malaysia bertarikh 7 Jun 2020 berkaitan Perintah Kawalan Pergerakan Pemulihan (PKPP). Justeru, Jabatan Timbalan Naib Canselor (Hal Ehwal Pelajar) telah memutuskan bahawa panduan pergerakan pelajar UTM akan dikuatkuasakan bermula **10 Jun sehingga 31 Ogos 2020** bagi kampus UTM Johor Bahru dan kampus Kuala Lumpur berdasarkan perincian berikut:

PERGERAKAN KELUAR MASUK PELAJAR DALAM KAMPUS SEMASA PKPP

1. Semua pelajar UTM seperti yang tercatat dalam pekeliling Jabatan Timbalan Naib Canselor (Akademik dan Antarabangsa) dan Jabatan Timbalan Naib Canselor (Penyelidikan dan Inovasi) bagi tujuan menjalankan aktiviti akademik (PdP) dan aktiviti penyelidikan adalah **DIBENARKAN** masuk atau menginap dalam kolej kediaman. Pelajar yang dimaksudkan adalah seperti berikut:
 - 1.1 Pelajar Pasca Siswazah mod penyelidikan yang berkeperluan menggunakan fasiliti makmal, bengkel, studio rekabentuk atau peralatan khusus penyelidikan;
 - 1.2 Pelajar Semester/Tahun Akhir Peringkat Sijil, Diploma dan Ijazah Sarjana Muda yang memerlukan praktikal dan peralatan khas seperti bidang kejuruteraan, senibina atau lain-lain;
 - 1.3 Pelajar Semester/ Tahun Akhir yang tidak mempunyai akses yang diperlukan dan persekitaran tidak kondusif bagi melaksanakan PdP dalam talian;
 - 1.4 Pelajar baharu bagi semua peringkat Asasi, Diploma, Ijazah Sarjana Muda dan Pasca Siswazah yang akan mendaftar bagi Sesi Akademik 2020/2021;
 - 1.5 Mana-mana pelajar yang mendapat kebenaran khas daripada fakulti atau Pusat Tanggungjawab.

(Bagi Perkara 1.1, 1.2, 1.3 dan 1.4, sila rujuk Garis Panduan Pengendalian Aktiviti Akademik Serta Aktiviti Penyelidikan Di Kampus Semasa Dan Pasca Tempoh Perintah Kawalan Pergerakan Semasa Pandemik COVID-19 bertarikh 7 Jun 2020 berkaitan prosedur masuk ke kampus).

2. Bagi pelajar yang bukan dalam kategori yang dibenarkan pulang ke kampus akan meneruskan pengajian secara dalam talian (*online*).
3. Bagi pelajar yang ingin masuk ke kampus bagi tujuan mengambil barang peribadi, alat bantu belajar atau kenderaan **DIBENARKAN** masuk dengan kebenaran melalui aplikasi UTMSmart. Pelajar perlulah berurusan di kaunter pejabat kolej kediaman pada waktu pejabat sahaja (dari jam **8:00 pagi hingga 5:00 petang**).
4. Bagi pelajar yang telah berada dalam kampus, pergerakan keluar masuk ke kampus dihadkan dari jam **8:00 pagi sehingga 5:00 petang**. Pelajar yang ingin keluar/masuk di luar tempoh tersebut atas sebab kecemasan, kritikal dan keperluan khas adalah **DIBENARKAN** dengan membuat permohonan khas daripada Bahagian Keselamatan.

5. Semua pelajar yang ingin masuk ke kampus perlu mematuhi Prosedur Operasi Standard (SOP) berikut:
 - i. Sihat dan bebas dari gejala COVID-19.
 - ii. Pemeriksaan suhu badan dan menunjukkan status sihat menerusi aplikasi UTMSmart di pintu masuk Bahagian Keselamatan. Pelajar yang bergejala (demam, batuk, kesukaran bernafas atau kelihatan tidak sihat) akan terus dirujuk ke Pusat Kesihatan Universiti (PKU).
 - iii. Mematuhi penjarakan sosial sekurang-kurang 1 meter.
 - iv. Mematuhi semua SOP di tempat-tempat berurus dalam UTM seperti di makmal, dalam dewan kuliah, tempat riadah, pasar mini, kafeteria, kedai dan lain-lain.
6. Pelajar yang berada di luar kampus adalah tertakluk dengan pematuhan peraturan PKPP sepenuhnya. Sekiranya tindakan dikenakan akibat ketidakpatuhan PKPP adalah di bawah tanggungjawab pelajar sendiri.

AKTIVITI PELAJAR DALAM KAMPUS SEMASA PKPP


1. Semua aktiviti riadah dan sukan secara fizikal adalah **DIBENARKAN** kecuali bagi aktiviti yang membentuk perhimpunan massa dan melibatkan sentuhan badan (*body contact*) seperti bola sepak, bola jaring, ragbi, hoki dan sukan renang.
2. Manakala bagi aktiviti luar seperti sukan individu, jogging, berjalan, berbasikal, riadah dan senaman ringan adalah **DIBENARKAN**.
3. Penggunaan ruang untuk berpersatuan adalah **DIBENARKAN** tetapi perlu mematuhi penjarakan sosial sekurang-kurang 1 meter dan tidak melebihi 20 orang. Walau bagaimanapun, semua persatuan/kelab adalah digalakkan untuk meneruskan aktiviti secara dalam talian.

Melalui pewartaan pekeliling baharu ini, Pekeliling sebelum ini yang dikeluarkan oleh Jabatan Timbalan Naib Canselor (Hal Ehwal Pelajar) berkaitan Perintah Kawalan Pergerakan dengan ini adalah termansuh.

Semoga semua pelajar dapat meneruskan pengajian dengan jayanya dalam keadaan menjaga Prosedur Operasi Standard PKPP dengan penuh tanggungjawab demi kualiti kehidupan kita semua dalam dan luar kampus UTM yang sihat sejahtera dan penuh tanggungjawab.

'Sama-sama Kita Menjaga Kita'

Saya yang menjalankan amanah,



(PROFESOR DR. DURRISHAH BINTI IDRUS)
TIMBALAN NAIB CANSELOR (HAL EHVAL PELAJAR)
UNIVERSITI TEKNOLOGI MALAYSIA

- s.k. : Naib Canselor
: Timbalan Naib Canselor (Akademik dan Antarabangsa)
: Timbalan Naib Canselor (Penyelidikan dan Inovasi)
: Timbalan Naib Canselor (Pembangunan)
: Pendaftar
: Pengarah Bahagian Keselamatan